


ՀԱՅԻ ՓՈՒՐՄԵ Պահուման

ՀՈՒՄԻ ՎՐԱ



Հ. Կայու
35

ՊԵՏՏՐԱՏ — 1936 — ՑԵՐԵՎԱՆ

«ԼՈՒՍՆԻ ԿԱՅԱՐԱՆ»

Ամառ ե... Աըկի շողերը ցըռում են առավոտյան կաթնագույն մշուշը...

Քաղաքից դուրս, լախ դաշտում, այնտեղ, ուր կանաչ խոտն իր թափիչն ե փոել, բարձրանում ե մոխրագույն հոկայական մի շենք։ Նոր յելած արևն իր դեղնավուն շողերն ե սփոել այդ շենքի տափակ տանիքի վրա, ուր սկսվել ե լուսի և սովերի աշխուզժ պահմոցիկ...

Տանիքի վրա մի հրաշալի պարտեղ ե ձգված։ Այնտեղ, կանաչի մեջ, սպիտակին են տալիս մարմարյա նստարանները։ Պարտեզը շրջապատված ե վոչ շատ բարձր քարե պատերով։ Պատերից մեկի մոտ զանազան տեսակի աստղաբաշխական գործիքներ դեպի յերկինք են պարզել իրենց գլուխները։ Ահա լախ խողովակներ ունեցող մեծ հեռադիտակներ, յերկնքի տարածությունները չտփող պողպատե գործիքներ, ծանրաչափներ, ջերմացույցներ։

Պարտեզի հենց մեջտեղը դրված ե մի տարորինակ հեռադիտակ, վորը մի քանի խողովակ ունի։

Այս հեռադիտակով կարելի յետեսնել ամենահեռավոր աստղերը։

Դիշերները, յերբ մութն իջնում ե դաշտի վրա, այս հեռադիտակի մոտ հավաքվում են աստղաբաշխներն ու գիտնականները՝ աստղագարդ յերկինքը դիտելու համար։

Վերքան արտասովոր և գեղեցիկ տեսարան ե բացվում նրանց առաջ, վորքան նորանոր փայլուն աշխարհներ են տեսնում նրանք...

Տանիքի վրա ձգված պարտեզն աստղաբաշխական մի հոլակապ դիտարան ե։

Բայց ահա արևը տանիքից սահեց ներքեւ, և հիմա վոսկով են ծածկվել մոխրագույն շենքի բետոնե պատերը։ Նրա ճակատին զարդարված մի ցուցանակ կա։

Ցուցանակի վրա խոշոր տառերով միայն յերկու բառ ե գրված։


«ԼՈՒՍՆԻ ԿԱՅԱՐԱՆ»

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ



1965 թիվս ե...

Ոգոսառս ամիսը...

«Լուսնի կայարանին» մոտեցավ մի ընտանիք։ Հայրը միջահասակ, թուխ դեմքով մի բանվոր ե։ Նա աշխատում ե հենց «Լուսնի կայարանին» կից գտնվող ռակետները նորոգող արհեստանոցում։

Մայրն աշխույժ դեմքով, կալտառ շարժումներով, յերիտասարդ կին ե։ Նա փոստատար գնացքի մեքենավար ե։ Վորդին՝ Լենիկը տաս տարեկան պիոներ ե։

Արեկի ճաճանչները մեղմորեն շորում են Լենիկի շագանակագույն խոպոպները, լայն ճակատը, դեմքի ժպիտը և ապա չարածընի վոստուններով թագնվում են նրա կարմիր փողկապի ծալքերում։

Ուրախ ե Լենիկը...

Այսոր իրագործվելու յէ նրա վաղեմի տենչը։ Նա, հոր և մոր հետ միասին, պիտի թոշի դեպի լուսինը։

Տասնչորս որ ե տևելու այս ճանապարհորդությունը։

Հայրիկն ու մայրիկն ամառային արձակուրդ են վերցրել, իսկ ինքը, Լենիկը, նոր ե վերադարձել պիոներական ճամբարից։

Ճամբարային կլանքն իր դրոշմն ե դրել Լենիկի վրա։ Նրա դեմքը և մարմնի մկանները կարծես բրոնզից լինեն ձուլված։ Զեռքին նա մի փոքրիկ ճամպըսուկ ունի... Այստեղ են Լենիկի սիրած գրքերը։ Զե վոր յերկար ե տևելու ճանապարհորդությունը։ Ռակետային ոդանավի նեղ կալուտում (նավասենլակ) փակված՝ նա ընթերցանությամբ կփարատի յերկար ճանապարհորդությունից առաջացող ճանձրութը։

Ընտանիքը մոտեցավ «Լուսնի կայարանին»։

Կայարանի մուտքի աջ կողմից մի սպիտակ տախտակ ե կախ տված։ Մոտիկից կարելի լե կարդալ հետեւալը. «Լուսնի վրա թոշող ռակետային ոդանավերի չվացուցակ»։

Այս ցուցակում մեկ առ մեկ նշված են ոդանավերի համարները, նրանց մեկնելու և վերադառնալու որն ու ժամը։

Այսոր ժամը 10-ին մեկնում ե «Թակետային ոդանավ № 3-ը»։

Այսոր ժամը 10-ին մեկնում ե «Թակետային ոդանավ № 3-ը»։

Դեռ ժամը ուժն ե...

Ռակետային ոդանավը կմեկնի յերկու ժամից հետո։

Լենիկը հայրիկի և մայրիկի հետ մտավ կայարանի շենքը։ Մի մեծ դահլիճ, սեղաններ և նստարաններ։ Դահլիճի պատերին կախ են տված լուսնի նկարները։

Ահա մի նկար. լուսնի սկավառակին նալելիս՝ կարելի յէ նկատել – լուսինը լեռնալին յերկիր ե։ Նրա վրա յերկում են ձգվող լեռնաշղթաններ և փոքր ու մեծ բլրագագաթներ։

Լենիկը գիտե, վոր արել լուսավորում ե ալդ սարերը, և նըրանց ստվերները տարածվում են լուսնի մակերևութիւնի վրա։ Ալդ ստվերների ոգնությամբ են գիտնականները հեռագիտակի միջոցով չափել լուսնի սարերի բարձրությունը։ Լուսնի վրա այնպիսի սարեր կան, վորոնց բարձրությունը հասնում ե մի քանի կիլոմետրի։

Լուսնի սարերն ողակածե են, իսկ ողակի մեջտեղն առաջացել ե խորը փոս։ Շատ հաճախ այս սարերը մեծ տարածություններ են բռնում։ Կան սարեր, վորոնց տրամագիծը հարյուր կիլոմետրից անցնում ե։

Լենիկը հետաքրքրությամբ դիտում ե այս նկարը։ Հայրիկն իր բացատրություններով ոգնում ե, վոր նա հասկանա նկարի բովանդակությունը։

Նրանք մոտենում են մի ուրիշ նկարի։

— Տեսնո՞ւմ ես լուսնի վրա գտնվող այն լայն մոխրագույն տարածությունները, — հարցնում ե Լենիկին հայրիկը։ — Անցյալում գիտնականներն այս տարածություններն անվանում ելին «ծովեր»։ Ալդպես են կոչվում ալդ տարածությունները նաև հիմա, թեև մենք արդեն հաստատ գիտենք, վոր դրանք վոչ այլ ինչ են, յեթե վոչ բուսականությունից զուրկ չոր հարթավայրեր։ Լուսնի վրա ծովեր և գետեր չկան, վորովհետեւ այնտեղ ջուր չկա։

— Ջուր չկա, — զարմանքով հարցըց Լենիկը։

— Այն, ջուր չկա, վորովհետեւ լուսինը շրջապատված չե մըթնողութով, ինչպես մեր յերկիրը, հետեւաբար այնտեղ մթնոլորտային տեղումներ չեն կարող լինել... — պատասխանեց հայրը։

— Հայրիկ, գուցե լուսնի գետնի տակ ջուր լինի, — նկատեց Լենիկը։

— Ցեթե մինչեւ անգամ հողի տակ ջուր լիներ, Լենիկ ջան,

մեկ ե՞ ջուրը չեր կարող մնալ լուսնի վրա։ Վաղ թե ուշ նա պետք ե գոլորշիանար, քանի վոր արևն այնտեղ սոսկալի կերպով ե այրում։ Իսկ գոլորշին չեր կարող մնալ լուսնի վրա, վորովհետև լուսինը մթնոլորտ չունի, գոլորշին պետք ե ցրվեր անսահման տարածության մեջ։

Լենիկը, աչքերը լայն բաց արած, լուսմ եր հայրիկի բացատրությունները։ Հանկարծ սրահում հնչեց ուաղիո-բարձրախոսի ձախը։

— Լսեցեք... լսեցեք... խոսում ե ուակետալին ողանավ համար 5-ը...

— Ոգնեցեք, ոգնեցեք...

— Մենք լուսնից վերադառնալիս, գետնից 30 կիլոմետր տարածության վրա, ծանր աղետ կրեցինք։ Պայթեց գազեր պարունակող խցիկը (կարինո)։ Մենք անասելի արագությամբ ընկնում ենք գետնի վրա...

— Ոգնեցեք, Ոգնեցեք։

Ռ Ա Կ Ե Տ Ը Փ Ր Կ Վ Ա Ծ Ե

Հայրիկը բռնեց Լենիկի ձեռքը, և նրանք մայրիկի հետ յերեքով շտապ դուրս յեկան սրահից։

Նրանք անցան մի յերկար միջանցքով, և դուրս յեկան «Լուսնի կայարանի» բակը։

Հսկալական տարածություն եր բռնում այդ բակը։ Այստեղ ելին իջնում լուսնից վերադառնող ուակետները, և այստեղից ելին մեկնում նրանք դեպի լուսինը։

«Լուսնի կայարանի» ողանավակալանն ե այս։ Բակում սկըսվել եր մի անասելի իրարանցում։ Լսելով ուաղիո-գուլժը՝ լուսնի կայարանի բոլոր ծառայողները թափվել ելին բակը։ Այստեղ եր և կայարանապետը, վորը շտապ կարգադրություններ եր անում՝ խորտակվող ուակետալին ողանավը փրկելու համար։

Բակի անկյունում դրած եր մի ոմբանետ գործիք։ Այդ գործիքն ընդամենը յերկու տարվա պատմություն ուներ։

Մի աննկարագրելի հսկալական գործիք եր այդ։ Նրա խողովակը լուսնի կայարանի ամենաբարձր շենքից ել բարձր եր։ Թվում եր, թե խողովակի ծայրը հասնում ե ամպերին։

Լենիկն իր կյանքում ալսպիսի բան չեր տեսելու...

Այս գործիքն սկսել եր ոռւմբեր նետել ամպերից այն կողմը։



Հսկայական ոռւմբերը մթնոլորտի վերին շերտերում առաջ եցիդ
բերուի ուժեղ քամի: Այս հանդիպական քամին պետք է գիմադը-
րություն ցուց տար վայր ընկնող ռակետային ողանավին, և պետք
է դանդաղեցներ նրա ընկնելու թափը:

Բակում գտնվողները, հայացքներն ուզգած դեպի վեր, սպա-
սում են ողանավին:

Լենիկի փոքրիկ սիրտը վախկոտ դեղանիկի պես թալրտում
ե կրծքի տակ... Նա ել, մյուսների հետ միասին, անհամբեր սպա-
սում եր ողանավին:

Հեռու, հեռու, այստեղ, ուր յերկնքի կապույտն ավելի մդա-
նում ե, յերեաց մի ինչ-վոր սև կետ:

— Ռակետը, Ռակետը, — լսվեց բակում:

Ռմբանետ գործիքը շարունակում եր իր գործը: Նա անընդ-
հատ ոռւմբերներ նետում դեպի վեր:

Սև կետն սկսեց մեծանալ. Նա արագ մոտենում եր գետնին:

Ահա նշմարվում են ողանավի առանձին մասերը:

Զգացվում ե, վոր ողանավը չի ընկնում, այլ միայն արագ
սահում ե դեպի ներքեւ: Ռմբանետ գործիքն ալևս լոել եր:

Նա պատվով կատարեց իր գործը:

— Ռակետն ազատվեց — շնչաց մալրիկը, վորը կանգնած եր
լենիկի կողքին: Լենիկի աչքերը փալում ելին ուրախությունից:
Ռակետը փրկված եր...

Ո Ա. Կ Ե Տ Ը

Ժամը 10-ին մոտ եր, յերբ փրկված ռակետը տեղավորեցին
ողանավակայանում:

Հնչեց առաջին գանգը:

Մի քանի բոպելից հետո պետք է մեկնի դեպի լուսինը ռա-
կետային ողանավ № 3-ը:

Ռակետն արդեն բակումն է: Լենիկը կանգնած ե նրա մոտ:
Լենիկի այտերը կարմրել են. նա ռակետի մասին անվերջ հարցեր
ե տարիս հայրիկին ու մալրիկին...

Ռակետը վարունգի ձև ունի. նրա վերեկի մասը սրածայր ե,
խակ ներքեկի մասն՝ ավելի լայն ու տափակ: Ռակետի ներքեկի
մասը բաց ե, վորապեսդի այրվող գաղը յելք ունենա գուրս գալու:

Սրածայր մասում գտնվում ե կալուտը:



Այստեղ պետք է նստեն լենիկը, հայրիկը, մայրիկը, հայրիկի ընկերն իր ընտանիքով, ուակետի ոդաչուն և նրա ոգնականը:

Կայուտի տակը կա մի պահեստ, վորտեղ գտնվում է ուտելու պաշարը: Այստեղ իրար վրա յեն դարսված արկղներ, փոքր և մեծ տականներ, պարկեր, պահածոների տուփեր:

Մոտ կես ամիս ե տեղելու ճանապարհորդությունը, և այդ ամբողջ պաշարը պետք է բավարարի մեր ճամբորդներին:

Ռակետի մնացած տարածությունը, վորը բւնում է ուակետի ամբողջ լեռկարության ^{2/3}-ը, կազմում ե գազերի պահեստը:

Այդ պահեստը լայն խողովակով բաժանվում է յերկու մասի:

Պահեստի մի մասում գտնվում է հեղուկ թթվածինը, իսկ մյուս մասում՝ հեղուկ ջրածինը:

Այս յերկու պահեստն ել վերևի մասում ունեն մի-մի ծորակ: Հենց վոր բաց են անում ծորակը, ծորակից դուրս թափվող հեղուկը փոխվում ե գազի: Յեթե յերկու խողովակն ել բաց են անում միաժամանակ, թթվածինը միանում ե ջրածին, և սկսվում ե այրումը:

Հետեվանքը լինում ե այն, վոր շառաչող գազ ե առաջանում: Շառաչող գազը մեջտեղի լայն խողովակով, վորը բաց ե ուակետի ներքեւի մասում, սկսում ե դուրս ժայթքել, և առաջ ե բերում մի հսկայական ուժ, վորը դեպի յերկնքի անհուն տարածությունը, դեպի առաջ պետք ե մղի ուակետավայրին ողանավը:

Այս ուժն ե, վոր մինչև լուսին պետք է հասցնի ուակետը և նրա մեջ նստած լենիկին:

Մ Ե Ք Ե Ն Ա Ն Թ Ռ Չ Ո Ւ Խ Ե

Հնչեց վերջին զանգը...

Ութ հոգի նեղ միջանցքով մտան ուակետի կայուտը:

Լենիկը չի բաժանվում իր ճամպրուկից:

Հայրիկի և մայրիկի իրերը վաղուց են տեղավորված կայուտում:

Ոդաչուն խնամքով ծածկեց յերկատակ հաստ դռները, դրսից փեղկերով ծածկեց հաստ ապակիներով լուսամուտները: Ռակետը պետք ե թռչի անհուն դատարկության մեջ, և յեթե դռներն ամուր չփակեն, կայուտի ամբողջ ոդը կցնդի յեթերում:

Դրա համար ե, վոր ուակետի կայուտը չունի և վոչ մի անցք:

Ամենափոքր ճեղքվածքից ել կարող ե դուրս հոսել ոդը:

Թեղետ կայուտը փակված ե ամեն կողմից, և դրսի լուսը

ներս չի թափանցում, բայց լուսավորված ե ելեկտրական պալծառ լույսով:

Կայուտի պատերը, հատակը և առաստաղը պատած են հաստ, փափուկ կաշվով: Կարծես շուրջդ ներքնակ լինի փռած:

Այստեղ գտնվող բոլոր իրերը—սեղանները, աթոռները, փոքրիկ պահարանները—ամուր կպած են հատակին, վոր թոփչքի ժամանակ չշարժվեն իրենց տեղերից: Հենց ալդաեղ ել լենիկը ծանոթանում ե հայրիկի ընկերոջ հետ, վորն իր կնոջ և իր ուժ տարեկան փոքրիկ աղջկա—լուսիկի հետ մեկնում ե գեղի լուսինը:

Լենիկն սկսում է լուսիկի հետ շրջել կայուտում:

Պատերից կախված են տարրորինակ գործիքներ:

Ահա մի մեծ ելեկտրական չափագործիք: Այս տախտակից ե ստացվում ելեկտրական ուժն ամբողջ կայուտի համար, ելեկտրականությամբ պետք ե տաքանա և լուսավորվի այդ սենյակը, ելեկտրական վառարանի վրա պետք ե յեփվի լենիկի և լուսիկի ճաշը:

Կայուտում կան նաև ոդը մաքրող մեքենաներ:

Այստեղ մի անկյունում շարված են անոթներ, վորոնց մեջ թթվածին կա՝ հեղուկ վիճակում:

Այս հեղուկը շաղ են տալիս կայուտում, յերբ ոդի մեջ թթվածինը պակասում է: Այսպիսով լենիկը ճամբորդության ժամանակ միշտ մաքուր ոդ կունենա շնչելու համար:

Լուսնի վրա ոդ չկա, բայց կայուտում ճամբորդների համար բավականին ոդի պետք կա...

Հայրիկը բացատրում է հարցասեր լենիկին և լուսիկին, վոր լուսնի վրա նըսնք պետք ե հագնեն անկյունում կախ տված սկաֆանգը կոչված զգեստը:

Այդ ոետինե զգեստից մի քանի հատ կախ ե տված անկյունում՝ յերկար, հաստ թելերով փաթաթված, և նման ե ջրասուզ լողորդի զգեստին: Մետաղե սաղավարտով ոետինե զգեստը լցնում են ոդով, և լուսնի վրա, ուր բոլորովին ոդ չկա, կարելի յե առանց յերկուղի դուրս գալ ուակետի կայուտից ու յերկար զբոսանք կատարել:

Լենիկը հետաքրքրությամբ դիտում է փայլուն սաղավարտը, վորն ապակեծածկ անցքեր ունի աչքերի համար...

—Զգնւշ յեղեք, զգնւշ, մեքենան գործի յեմ զցում — հայտարեց ոդաչուն: Ապա նա նորից գառնալով ճամբորդներին՝ ավելացրեց:

— Խորհուրդ եմ տալիս պառկել մահճակալի վրա:

Ճամբորդները կատարեցին նրա կարգադրությունը: Լենիկը պառկել եր մահճակալի վրա, վորը հաստ շղթաներով կախված եր առաստաղից և անհամբեր սպասում եր...

Ողաչուն մոտենում ե գործիքներին, վորոնք գտնվում են ելեկտրական տախտակի վրա, և սկսում ե շարժել ինչ-վոր լծակ:

Ռակետի ներքեւ մասում, մեքենաների բաժնում, ուր գանը-վում են թթվածինն ու ջրածինը, անմիջապես սկսվում ե այրումը...

— Մեքենան արդեն թռչում ե, — հայտարարեց ողաչուն:

ԼԵՆԻԿԸ ԹՌՉՈՒՆ Ե ԴԱՐՁԵԼ

Սոսկալի աղմուկ ե լսվում մեքենաների բաժնից, բայց Լենիկը չի վախենում: Նրան այժմ մի ուրիշ բան ե զարմացնում, — նա չի կարողանում այլևս շարժել վոչ իր վոտը և վոչ ել ձեռը...

Մարմինը ծանրացել ե և կպել մահճակալին. վախեցած լուսիկն ել ուզում ե թռչել մահճակալից, բայց ի զուր են նրա ջանքերը: Մահճակալն ամուր բռնել ե լուսիկին...

— Մի յերկու ըռպեկ ել համբերիր, լուսիկ ջան, և դու կթռչկոտես կայուտում, — ասում ե ողաչուն:

— Այս ամենի պատճառն այրման ուժն ե, վորն անսասելի արագությամբ ռակետը մղում ե գեղի վեր: Մեր մարմինն սկսում ե դիմադրություն ցուց տալ, և այդ ե պատճառը, վոր նա ծանրանում ե... Այժմ կայուտի բոլոր իրերը ծանրացել են, — վերջացնում ե ողաչուն:

Անցան նորից յերկու, յերեք անախորժ ըռպեներ. շնչելը դըմվարացավ, ճամբորդների սրտերն սկսեց սովորականից արագ բարախել, ինչ-վոր ծանրություն ե իջել բոլորի մարմնի վրա...

Բայց ահա ողաչուն նորից ելեկտրական տախտակի վրա շարժեց մի ուրիշ լծակ, և անսպասելի կերպով բոլորը թեթևություն զգացին..

— Այրումը վերջացավ, — ասաց ողաչուն:

— Մինչեւ հիմա այրման շնորհիվ մեր թռիչքը քանի գնում արագանում եր, իսկ հիմա չկա այդ արագացումը, և մենք թռչում ենք ճիշտ այնպես, ինչպես փամփուշտը հրացանի փողից — անփոփոխ արագությամբ:

— Մեր մարմինը և կալուտում գտնվող բոլոր իրերն այլևս չեն դիմանում ներքեւից մղող ուժին: Մինչեւ այժմ ռակետը մղող ուժը ճնշում եր գործ դնում մեր մարմնին ներքեւից, իսկ հիմա և



հատակը, և կայուտի պատերը միատեսակ արագությամբ են շարօ
վում, հետեաբար վոչ կայուտը և վոչ ել մեր մարմինն իրար վրա
ճնշում գործ չեն դնում: Այդ և պատճառը, վոր մենք կորցրինք
մեր քաշը...

Լսելով այս բացատրությունները՝ Լենիկն ուզում ե մոտենալ
մալրիկին:

Բայց հենց վոր ուզեց վոտները շարժել, նրա ամեն մի քայլը
փոխվեց թոփչքի. նա մոտենում ե մալրիկին, բայց նրա վոտները
համարյա չեն կպչում հատակին, նա թոշում ե ոդի մեջ...

Լենիկի ուրախությանը չափ ու սահման չկար, և ինչքան
հետաքրքիր եր այդ...

Նա փորձեց վոստյուն կատարել, և ահա մեր Լենիկը թուավ
մինչեւ առաստաղը, արտեղ կսպավ ամբողջ կայուտը պատող փափուկ
կաշվին և նորից դանդաղ իջավ հատակին...

— Յես թոշուն եմ դարձել, մալրիկ ջան,— ծիծաղելով ասաց
Լենիկը և դիմեց Լուսիկին.

— Լուսիկ, դու ել թուիր ու բռնիր ինձ:

ԼԵՆԻԿԸ ԿԱՅՈՒՏՈՒՄ


Յերեխաների հնչուն ծիծաղը չի դադարում կայուտում: Լենի-
կը և Լուսիկը թոշունների պես ճախրում են ողում՝ կպչելով
առաստաղին, պատերին:

Ճարպիկ Լենիկը մեկ փախչում ե Լուսիկից և կախվում մահ-
ճակալից, մեկ թոշում հատակին, մեկ ել վոստյուն կատարելով,
կանգնում պահարանի գլխին:

Կայուտում ամեն ինչ կորցրել ե իր քաշը: Ողաչուի ողնա-
կանը հանում ե իր ծոցատեսրը, մի թերթիկ պոկում միջից և
ուզում ե մեքենայի մասին իր դիտողությունները գրել:

Մի անգայուց շարժում... և թուղթը վայր ե ընկնում նրա
ձեռքից, բայց չի ընկնում հատակին, այլ սկսում ե թոչել ողում՝
ինչպես մի ձերմակ թիթեռ... Լենիկն ու Լուսիկն ընկնում են
թղթի հետեւից: Անհնազանդ թիթեռը փախչում ե նրանցից, վեր
ու վար թոշում, թագնվում անկլունում, հետո նորից հասնում ա-
ռաստաղին:

Լուսիկը մի ճարպիկ վոստյուն ե գործում, և ահա թուղթը
նրա ձեռքումն ե: Հաղթական ժպիտը դեմքին՝ նա հանձնում ե
թուղթը ողաչուի ոգնականին:



Յերկու կանալք, Լենիկի և Լուսիկի մայրիկները, Ելեկտրա
կան վառարանի վրա սկսում են ճաշի պատրաստություն տեսնել:

Կայուտի հատակում մի անցք կա, շարժական դռնով, վորը փակ-
ված եւ Այդ դուռը բացվում ե գեղի ներքեւ, ուր գտնվում ե մը-
թերքների պահեստը:

Լենիկի մայրը բաց ե անում այդ դուռը և իջնում ե ներքեւ,
Լենիկն ու Լուսիկը հետեւում են մորը:

Ինչքան շատ բաներ կան պահեստում...

Լուսիկը քաղցրեղեն շատ ե սիրում, իսկ անկյունում կարծես
հենց նրա համար են պատրաստել մի թղթե պարկ՝ լցրած զանա-
զան անուշեղեններով: Պարկերը և արկղները լի յեն ամեն տեսակ
մթերքներով, բայց այս բոլորի մեջ ալլուր և ձավար չկա... Ուշա-
գիր Լենիկն իսկուն նկատեց այդ և հարցրեց մայրիկին, թէ
ինչու չենք հետներս ալլուր և ձավար վերցրել:

Քո դիտողությունը ճիշտ ե, Լենիկ ջան,— ասաց մայրիկը,—
պահեստում մենք ալլուր և ձավար չունենք, և չենք վերցրել վո-
րոշ նպատակով: Յեթե մենք մեր ողանավում ալլուրի կամ ձավարի
պարկերի բերանը բաց անելինք, իսկուն կտարածվելին ոդի մեջ,
Անհնարին կլիներ ողում տարածված ալլուրն ու ձավարը հավաքել,
և մենք ստիպված կլինելինք շնչել ալլուրի փոշին: Հետո այդ փո-
շին կթափանցեր մեր շնչափողը, առաջ կբերեր շատ անախորժ
հազ, և մենք կլինելիք: Այդ ե պատճառը, վոր մեզ հետ ալ-
լուր և ձավար չենք վերցրել:

Պահեստից անհրաժեշտ պաշարը վերցնելով՝ մայրիկը Լենիկի
և Լուսիկի հետ վերադարձավ կայուտը:

Լենիկի աշքենը ուրախությունից փալում ելին:

Ընդամենը յերկու ժամ ե, վոր ու ակետը թողել ե գետինը, բայց
վնրքան տարորինակ բաներ տեսավ Լենիկը...

Ելեկտրական լույսով վողողված կայուտը հրաշալիքներով լի
մի սքանչելի աշխարհ եր...

Ո Դ Ա Զ Ո Ւ Ն Պ Ա Տ Մ Ո Ւ Մ Ե

Ճաշից հետո բոլորը թիկն տված հանգստանում ելին՝ լայն,
անշարժ բազկաթուներում նստած, և լուս ողաչուին:

Ողաչուն մի շատ հետաքրքիր բան եր պատմում.

— Սրանից յերեսուն տարի առաջ մարդիկ չգիտելին, վոր կա-
րելի լե գեղի լուսին ճանապարհորդել... Այն ժամանակ նոր ելին



սկսել փորձել ուակետի հատկությունները, և փորձերը կատարում ելին փոքր ուակետներով, վորոնց արագությունը թույլ եր տալիս անցնել աննշան տարածություններ:

Յես դեռ յերեխա ելի, յերբ լսեցի մեծերից այդ փորձերի մասին:

Յերկար տարիների ընթացքում գիտնականներն աշխատում ելին գտնել այնպիսի մի մեքենա, վորը ճեղքելով յեթերի անսահման տարածությունը՝ կարողանար հասնել լուսնին...

Ալդ տեսակետից հետաքրքիր են ուսւագիչներ՝ հեղափոխական կիբալչիչներ և նրանից հետո հայտնի գիտնական Ցիոլկովսկու փորձերը:

Մեր ուակետը Ցիոլկովսկու գյուտն ե... Իհարկե, տարիսերի ընթացքում դեպի լուսինը մի շարք թոփչքներ կատարելուց հետո, ուակետի տեսքը և նրա ներքին կառուցվածքը բավականին կատարելագործվեցին: Մեր ուակետն ավելի յե կատարելագործված քան թե Ցիոլկովսկու ուակետը:

Հետաքրքիր եր առաջին թոփչքը, վորը վերջացավ ուակետի խորտակումով...

Ուակետը չհասավ լուսնին: Նրա մեջ նստած յերեք ճամբորդներն ել մահացան:

Լուս յեթերը միայն գիտե այդ սոսկալի աղետի մասին...

Մեր յերկրի վրա ընկապ ուակետի կայուտում գտնվող՝ ջարդու փշուր յեղած ելեկտրական տախտակը միայն: Մի տարուց հետո կատարվեց յերկրորդ թոփչքը:

Այս թոփչքն ավելի հաջող եր քան առաջինը. ճամբորդները հասան լուսնին, այնտեղից ուղարկեցին լուսե-հեռագիր, վորն ընդունեց մեր աստղաբաշխական կայանը: Բայց յերկրորդ ուակետը նույնպես չվերադարձավ և նրա անհետացման գաղտնիքն այնպես ել մնաց ու մնաց անհայտ:

Այս յերկու դեպքերից հետո գիտնականներն որ ու գիշեր զբաղված ելին ուակետը կատարելագործելով... և ահա որերից մի որ կատարվեց յերրորդ հաղթական թոփչքը:

Ուակետը հասավ լուսնին և վերադարձավ անվաս...

Մենք նվաճեցինք յեթերը, իսկ հիմա, յերբ այս առաջին հաջող թոփչքից հետո արդեն անյել ե տասը տարի, լուսնի վրա ճամբորդելը գարձել ե հետաքրքիր զբոսանու:

Մինչև անգամ աղետի դեպքում մենք նախատեսած ունենք փրկության բոլոր միջոցները:

Հենց դուք ինքներդ տեսաք ինչպես մենք վր' կեցինք և 3 ուակետային ողանավը:



ՄԻԱՌԱՎՈՏ

Մի առավոտ, յերբ ճամբորդները զարթնել ելին իրենց շարժական ննջարանում, ողաչուն, քաշելով ինչ վոր պարան, բացեց ննջարանի պատուհանների արտաքին փեղկերը:

Ռակետը վաղուց եր դուրս թռել յերկրի մթնոլորտի սահմաններից, և պատուհանների պակամարդում հիմա ռակետի արագ թռիչքից՝ արդեն ազատ ելին յեթերում ալրվելու վտանգից:

Լենիկն արագությամբ մոտեցավ պատուհանին և ինչպես զարմացավ...

Հայրիկի ժամացուցը ցուց եր տալիս ժամի 8-ը: Արդեն առավոտ եր, բայց յերկինքը սև եր այնպես, ինչպես գիշերը: Պայծառ արել փայլում եր, յերկնակամարում անթիվ աստղերը կայծկլտում ելին, բայց անուամենայնիվ յերկինքը մթին եր:

Լենիկը զարմացած դիտում եր այդ տարորինակ տեսարանը: Հայրիկը շտապում եր բավարարել նրա հարցասիրությունը:

— Յերկրից դիտելիս յերկինքը կապույտ ե յերեսում, վորով հետեւ յերկիրը շրջապատված ե ողով: Անոդ տարածությունից նաև յելիս, յերկինքը սև ե լինում և այդ սև յերկնքի վրա կարելի յէ աստղեր աեսնել: Յերկրի վրա, ցերեկվա պայծառ լուսի ժամանակ, աղոտանում ե աստղերի թույլ փայլը, և մենք ցերեկով աստղեր չենք տեսնում:

Լենիկը և Լուսիկը հիացած դիտում ելին այդ տեսարանը, իսկ ռակետը սրբնթաց ճեղքելով յեթերի անսահման աարածությունը, ընթանում եր գեղի առաջ, գեղի լուսինը...

Զ Բ Ո Ս Ա Ն Ք Յ Ե Թ Ե Ր Ո Ւ Մ

Չորս որ ե շարունակվում ե այս ճամբորդությունը: Որերն ուժամերն անցնում են միապաղաղ, իրար նման: Նեղ կալուտ, ոլացող ռակետ և սև աստղազարդ յերկինք:

Աշխուժ և հարցասեր լենիկն սկսում ե արդեն ձանձրանալ: Նա կարդում ե, հաճախ ել խաղում լուսիկի հետ...

Բայց նա անհամբեր ե, նա ուզում ե շուտ հասնել լուսնին: Ողաչուն նկատում ե լենիկի ձանձրութը և առաջարկում ե անհամբեր փոքրիկին մի զբոսանք կատարել յեթերում:

Լենիկն ուրախությունից թռչկոտում ե: Հինգ րոպե հետո հայրիկը, ողաչուն, լենիկը և լուսիկը, հագ-

նելով սկաֆանդրները, ջրասուլզ լողորդի այդ զգեստը, բաց արին կայուտի յերկտակ դուռը և դուրս յեկան անսահման յեթերը՝ զբուանքի:

Դուրս գալիս նրանք իրենց հետեւից արագ փակեցին կայուտի դուռը, վորպեսզի ողը չցնդի յեթերում:

Յեվ ահա լենիկը ճախրում ե յեթերում, և միայն մի բարակ յերկաթալար ե միացնում նրան ռակետի հետ...

Չնալած յեթերում սոսկալի սառնամանիք ե, սակայն լենիկը չի մրսում: Նրան տաքացնում են արևի վառ շողերը և, վոր գլխավորն ե, սկաֆանդրի մեջ հարմարեցրած ելեկտրական փոքրիկ գործիքը, վորը կայուտի ելեկտրական տախտակից ստացած ջերմությամբ տաքացնում ե լենիկին:

Լենիկն ազատ շնչում ե այն ողը, վորը գտնվում ե իր մեջքից կախ տված փոքրիկ պայուսակի մեջ:

Բացի արևից, յերկնքի խավար տարածության վրա նա տեսնում ե մի ինչ վոր նոր լուսատու, վորն ավելի խոշոր ե յերեսում քան արևը: Այդ հենց մեր յերկիրն ե, վորտեղից չորս որ ե՝ ինչ հեռացել ե լենիկը: Նոր լուսատուն ալդքան խոշոր ե յերեսուն, վորվհետեւ ավելի մոտ ե ռակետին, քան թե հեռավոր ճաճանչազարդ արևը:

Խավարում, ուրիշ տեղ, ուր ցրված ե աստղերի փոշին, փայլում ե լուսինը:

Նա ավելի մեծ ե, քան լենիկին կթվար յերկրից դիտելիս: Յեվ այդ հասկանալի յէ, չե վոր լենիկն աննկարագրելի արագությամբ մոտենում ե նրան:

Ճամբորդները հիացմունքով ելին դիտում այս բոլոր հըաշալիքները:

Յեվ ինչքան նոր բաներ կպատմի լենիկը պիոներ բազայում, յերբ վերադառնա լուսնից:

Կես ժամ մնալով յեթերում՝ ճամբորդները, գոհ այդ անսովոր զբուանքից, վերադարձան կայուտը:

Լ Ո Ւ Ս Ն Ի Վ Ր Ա

Անցավ ելի յերեք որ: Ռակետը շարունակում եր իր թոփչքը:

Ռակետի պատուհանից դիտելիս՝ կարելի յէ նկատել, վոր լուսինը քանի գնում մեծանում ե: Այդ նշանակում ե, վոր ճամբորդները մոտենում են լուսնին:

Արդեն առանց հեռաղիտակի կարելի յէ նշանակել լուսնի վրա

այն բոլոր մանրամասնությունները, վոր մեր յերկրից կարելի յետեսնել միայն հեռագիտակի ոգնությամբ:

Ահա նրա «ծովերը», հրաբուխները, մեծ ու փոքր սարերը:

— Յերկերը, յերկերը, — ուրախացած բացականչում ե լուսիկը:

— Այդ յերկերը չե, լուսիկ ջան, — ասաց նրան մայրիկը, — լուսինն ե. մենք մոտենում ենք մեր ճամբորդության վերջնական նպատակին:

Ճամբորդներն զգում են, վոր մի տարորինակ բան ե կատարվում, և իրենց հետ շարժվող ուսկետն ընկնում ե ինչ-վոր անհուն տարածության մեջ:

Ուակետը վաղուց արդեն չեր յենթարկվում յերկրագնդի ձգողական ուժին:

Զարմանալի արագությամբ նա կտրում անցնում եր յեթերի հսկալական տարածությունը: Մոտենալով լուսնին՝ ուսկետն սկըսում ե յենթարկվել նրա ձգողական ուժին:

Ուակետի ընթացքը գնալով ավելի յե արագանում: Վայրեջքը տեսում ե մոտ յերեսուն ժամ: Լուսնի տեսքը բոլորովին փոխվել ե. նա յերկնքի ֆոնի վրա բավականին մեծ տարածություն ե բռնում: Լենիկը չի հեռանում պատուհանից:

Աչքերը լայն բացած՝ նա նայում ե լուսնին, բավականին պարզ ու վորոշ տեսնելով լուսնի ողակածե սարերն ու մոխրագույն տափաստանները:

Ողաչուն ելեկտրական տախտակից չի հեռանալով՝ գործի յե անցնում: Պետք ե նախազգուշանալ, վորովհետև յեթե դեպի լուսինը տեղի ունեցող վայրեջքը շարունակվի նույն արագությամբ, ուսկետը շարդ ու վշտը կլինի:

Բայց մեր ողաչուն փորձված ե:

Նա ուակետը վտանգի չի յենթարկի:

Մի հմուտ շարժում, և ահա նա շրջում ե ելեկտրական տախտակի լծակը, ու նորից ուակետի ներքեմի մասում, դագերի պահստում, սկսվում ե ալբումը:

Ուակետը փոխում ե իր ընթացքը: Նա շուռ ե զալիս դեպի լուսինն իր այն մասով, վորտեղից դուրս ե ժայթքում շառաչող գաղը:

Ուակետի շարժումը միանգամից դանդաղեց:

Դուրս ժայթքող գաղը ներքեմից դիմադրում եր ուակետի ընկելուն, և ուակետը յենթարկվելով լուսնի ձգողական ուժին, դանդաղ սահելով յեթերի մեջ, մոտենում եր լուսնին:

Ճամբորդները չեն հեռանում պատուհաններից:



Քիչ առաջ հեռավոր թվացող լուսինն արդեն մոտիկ եր - ընդամենը մի քանի կիլոմետր տարածություն է մասնաւ։ Առանց մի վորեւ ցնցումի, դանդաղ, ուշկետն իջնում է լուսնի վրա։

— Հասանք, հասանք, — ցնծությամբ բացականչեցին Լենիկն ու Լուսիկը։

Լ Ս Ի Ս Ե Հ Ե Ռ Ա Գ Ի Ր

Ողաչուն մոտենում է ելեկտրական տախտակի մոտ գտնվու պատուհանին։ Պատուհանի մոտ, պատվանդանի վրա, ապակե մի մեծ ելեկտրական լապտեր է ամրացված։ Նա շուրջ տալիս լապտերի կոճակը, կայուտը վողողվում է կանաչ ու պայծառ լուսով։

Ուշկետից դուրս, լուսնի մակերեսուցիթը բավականին մեծ տարածության վրա լուսավորվում է կանաչ լուսով։

— «Լուսնի կայարանին» լես լուսե-հեռագիր ուղարկեցի, — ասում է ողաչուն։ — Այս ըստեցիս «Լուսնի կայարանի» տանիքի վրա, այնտեղ, ուր գտնվում է աստղաբաշխական դիտարանը, գիտնականները նայելով լուսնին ամենամեծ հեռագիտակով՝ տեսնում են այս կանաչ լուսը։ Նրանք կարգում են մեր հեռագիրը։

— «Անվտանգ հասանք և իջանք լուսնի վրա»։

Ուղիո հեռագիրն այստեղից չեր հասնի մեր յերկրին, ուստի մենք դիմում ենք մի ուրիշ միջոցի՝ լուսե-հեռագրին։ Տարբեր դույների լապտերներ վառելով՝ մենք կարող ենք լուսնի վրայից խոսել յերկրի հետ։

Լենիկը մոտեցել եր ուշկետի յերկտակ դուռն, և ուզում եր դուրս գալ ուշկետից։

— Մի շտապիր, Լենիկ, առանց սկաֆանդրի չես կարող դուրս գալ, — զգուշացնում է ողաչուն անհամբեր փոքրիկին։

Ճամբորդները հագնում են սկաֆանդրները և ուշկետից դուրս են գալիս՝ լուսնի վրա զբոսնելու։

Յ Ե Ր Կ Ր Ո Ր Դ Զ Բ Ո Ս Ա Ն Ք

Մի անհայտ աշխարհ է բացվում ճամբորդների առաջ։ Յոթ որ շարունակ նրանք ուշկետի մեջ՝ իրենց վոտների տակ չելին զգում համարյա վոչ մի հենարան։

Բայց այժմ ահա նրանք ամուր կանգնած են հողի վրա։

Նրանք կարող են ման գալ այստեղ ձիշտ այնպես, ինչպես յերկրի վրա։



Բայց մի նոր անակնկալ ե սպասում լենիկին:

Լուսնի վրա ձգողական ուժը վեց անգամ պակաս ե քան մեզ մոտ՝ լերկրի վրա: Դրա համար ել լուսնի վրա առարկաները վեց անգում ավելի թեթև են:

Կորցնելով իր կշռի հինգ վեցերորդը՝ լենիկը շատ հեշտ և թեթև ե շարժվում լուսնի վրա:

Յեզ վորովինետև լուսինը մթնոլորտով չի շրջապատված, և նրա շարժումները դիմադրության չեն հանդիպում, դրա համար ել լենիկն առանց մի վորևե դժվարության վոստոստում ե զարմանալի թեթև ու արագ:

Ճամբորդներն ուրախ շրջում են լուսնի լայնարձակ դաշտերով, ծանոթանում և հիանում Յերկրի արբանյակի ալսքան տարորինակ բնությամբ:

Զբոսանքը շատ զվարճալի յե. հալրիկը, մալրիկը, լուսիկն ու իր ծնողներն ալնպես են քայլում՝ ասես թռչելիս լինեն:

Լենիկը ծիծաղում ե նրանց թռիչքների վրա:

Մի անգոյուց շարժում, և ճամբորդները վայր են ընկնում, թափալվում գետնին, ինարկե առանց վորևե ցավ զգալու, հետո նորից վեր են թռչում և սկսում առաջ շարժվել փոսերի ու բլուրների վրալով:

Հալրիկի ընկերը լուսանկարում ե լուսնի զանազան տեսարանները:

Այնտեղ, լերկրի ընակիչներին շատ պիտի հետաքրքեն այս լուսանկարները, լենիկին զարմացնում ե մի հանգամանք. լուսնի հողը սև գույն ունի, մինչդեռ նրան թվում եր, վոր լուսնի հողը պետք ե բաց մոխրագույն՝ լիներ:

Հալրիկը բացատրում ե, վոր լուսնի հողը նման ե մեր սեահողին:

— Նա մեզ թվում ե բաց գույնի, — ասում ե նա, — վորովինետև լուսավորված ե արևի շողերով և արտացոլում ե արևի լուսը:

Ճամբորդները վորոշում են բարձրանալ մոտակա սարի գագաթը: Ալդադեղից բացվում ե մի սքանչելի տեսարան:

Լենիկը լուսիկի հետ առաջ ե վազում, իսկ մրուները հետևում են նրանց:

Ի՞նչ հեշտ ու թեթև ե բարձրանալը...

Սարի լանջը շատ աննշան թեքություն ունի, և բարձրանալիս լերբեք չելին զգում, թե սար են բարձրանում:

Ճամբորդները հասան սարի գագաթը:

Յերկինքն ալդադեղից սև ե՝ ինչպես անթափանց թափիշը. ադ-

թափշի ծալքերում թագնված՝ փայլում են հեռավոր աստղերը, իսկ այնտեղ, լերկնքի խորքում, ճամբորդներից չորս հարլուր հազար կիլոմետր տարածության վրա, փայլում ե հեռավոր Յերկիրը:

Լուսավորված արևի վառ ճաճանչներով՝ Յերկիրն ել ե նման մի փոքրիկ արևի...

Այս աննման տեսարանով հիացած՝ մեր ճամբորդներն իջնում են սարից: Լենիկը և լուսիկը նորից վազում են առաջից, և աշխատում են իրարից առաջ անցնել:

Մեկ ել լենիկն ու լուսիկը յետ նալեցին և այլս մյուս ճամբորդներին չտեսան:

Յերկուսն ել անհանգիստ փորձեցին յետ վազել, բայց ապարդյուն...

Նրանք կորցրել ելին իրենց ծնողներին:

Լենիկը և լուսիկն առաջ ընկնելով՝ գնացել ելին բոլորվին ուրիշ ճաճապարհով, իսկ ծնողներն իջել ելին նույն ճաճապարհով, վորով բարձրացել ելին սարի գագաթը:

Նրանք չելին նկատել, թե ինչպես յերեխաները շեղվել ելին ճաճապարհից:

Լենիկը և լուսիկը մոլորված՝ տխուր նստեցին մի փոքրիկ բլրակի վրա:

ԾՆՈՂՆԵՐԸ ԳՏՆՈՒՄ ԵՆ ՄՈԼՈՐՎԱԾ ՅԵՐԵԽԱՆԵՐԻՆ

Լենիկը տխուր ե, բայց չի արտահայտվում: Մալրիկը և հալրիկը կփնտռեն փոքրիկ չարաճճիներին...

Լուսիկը կծկվել ե քարի վրա և լալիս ե:

Նրանք չեն կարող գոռալ, ոգնություն կանչել. նրանց կաշկանդում ե սկաֆանդրի մետաղե սաղավարտը, իսկ հանել սաղավարտը — ո, այդ անհնարին ե, չի կարելի... Զե վոր առանց սկաֆանդրի մի վալրկանում նրանք կիսեղդվեն առանց ողի:

Լենիկի փոքրիկ գլխում հանկարծ մի միտք ե ծագում, — ողի պաշարն սկաֆանդրում կարող ե հատնել, և այն ժամանակ... Զե, պետք ե շուտով վերադառնալ ռակետը, վորուել կան թթվածնով լի անոթներ:

Արևը սաստիկ ալրում ե: Ալստեղ յերեկը տեսում ե մի քանի որ. գիշերը նույնպես հավասար ե մեր լերկրագնդի մի քանի որվան: Արևը սոսկալի տաքացրել ե լուսնի հողը: Լենիկն ու լուսիկն այլս չեն կարողանում դիմանալ, և շտապում են թագնվել մոտակա բլրակի ստվերում:

Ալստեղ համեմատաբար հով ե:

Լենիկը չի ուզում շարժվել տեղից. Նա վախենում է, վոր շատ կհեռանա ծնողներից, և այն ժամանակ բոլորովին կկորչի այս դաժան բնության անհյուրընկալ ծոցում:

Մեկ ել՝ նա նշանաբեց հեռվում, այնտեղ՝ լուսնի դաշտի վրա, ինչ-վոր շարժվող ստվերները. Ստվերներն սկսեցին մոտենալ մեր տիսուր և փոքրիկ ճամբորդներին:

Լենիկը բոնեց Լուսիկի ձեռքը, և յերկուսով շատապեցին ընդառաջել յեկվորներին... Մի քանի բոպե հետո Լուսիկն ուրախ փարվեց իր մոր վզովը:

Լենիկը մեղավորի պես կանգնել եր ծնողների կողքին. Նրա սիրտն արագ բարախում եր, շունչը կտրվում, բայց նա ձայն չեր հանում:

Սկաֆանդրում սկսել եր պակասել թթվածնի պաշարը:

—Դե շնւտ, դեպի ուսկետը, այնտեղ գլուխդ չի պտտվի և փոքրիկ սիրտ այդպիս արագ չի բաբախի:

Ն Ո Ր Ի Ց Ռ Ա Կ Ե Տ Ո Ւ Մ

Ռակետի յերկտակ դռները բացվեցին նորից, և հյուրընկալ ուսկետն ընդունեց իր մեջ ճամբորդներին:

Լենիկն այստեղ ազատ է շնչում. ոդաչուն թարմացրեց ոդը՝ հեղուկացած թթվածին սրսկելով կայուտի մեջ. Յերկար զբոսանքից հոգնած՝ մեր հերոսները տեղավորվեցին մահճակալների վրա:

Ոդաչուն մոտեցավ ելեկտրական տախտակին և նորից շարժեց լծակը:

Ռակետի խցիկից լսվեց ծանոթ աղմուկը, և գազն սկսեց ալրվել:

Ռակետը պոկվում ե լուսնից և նորից լողում յեթերի անսահման տարածության մեջ:

Ճամբորդները հեռանում են լուսնից:

Անցնում ե յերկու որ:

Մի առավոտ լենիկը զարթնում ե տարորինակ ձայներից, վորոնք լսվում են ուսկետից դուրս, յեթերում: Նա վազում ե պատուհանի մոտ:

Այս ինչ աստղեր են շարժվում յերկնքի վրա: Նրանք արագ սահում են սև տարածության մեջ՝ թողնելով իրենց հետեւից մի լուսավոր հետք:

Կարծես թե աստղերի անձրև լինի...

Վայր ընկնող աստղերի տարափն ե այդ...

Հայրիկը բացատրում ե, վոր այս յերկութիւն ավելի նկատելի լի լինում ոգոստոս ամսին:

Վայր ընկնող աստղերը, ասուաները, ջարդ ու փշուր յեղած լուսատուների մասնիկներն են:



Պատահում ե, վոր յերկու լրասատու, յեթերի հսկայական առածության մեջ իրար են հանդիպում, բախվում են իրար, փշը-վում մաս-մաս լինում: Ահա այդ մասնիկներն են, վոր դառնում են այսպես կոչված վայր ընկնող աստղեր, մետեօրիներ կամ ասուպներ:

Ոդաչուն մտազբաղ ե. նա վախենում ե, վոր այդ մետեօրիներից մեկն ու մեկը կարող ե կպչել արագ սլացող ռակետին:

Նա շարժում ե երեկորական տախտակի լծակը և փոխում ե ռակետի ուղղությունը...

Շուպով ռակետը դուրս է գալիս ասուպների շրջանից և նորից շարունակում իր ճանապարհը:

Վ Ե Բ Ս. Դ Ա. Բ Զ

Լենիկն արդեն սովորել ե շրջապատին: Նա ալժմ ավելի հեշտությամբ ե շարժվում կայուտում:

Նրան այլևս չի սարսափեցնում այն սև անդունդը, վորի մեջ շարունակում ե սլանալ ռակետը: Ելի մի չորս որ, և ռակետը մոտենում ե Յերկրին:

Արդեն նկատելի են վերասլաց սարերը, կապույտ գետերը և փոթորկվող ծովերը...

Շուտով, շուտով նրանք կլինեն քաղաքում, իրենց տանը, կտեսնեն մերձավորներին, ընկերներին և նրանց կպատմեն տեսած հրաշալիքների մասին:

Լենիկն ուրախացած ծափահարում ե, թոշկուտում անզգույշ շարժումներ գործում մոռանալով, վոր ինքը դեռ ռակետի մեջ ե գտնվում:

Նա նորից կպչում ե ռակետի առաստաղին և թեթև վույտուններով թոշում ներքե...

Ռակետը մտել ե Յերկրի մթնոլորտի սահմանները:

Արդեն յերկում ե «Լուսնի կայարանի» կանաչազարդ տանիքը: «Լուսնի կայարանը» պատրաստ է ընդունելու մեր ճամբորդ-ներին:

Ռակետի մեջ սկսվել ե գազի ալբումը:

Ռակետն զգույշ սահում ե ներքե...

Մի քանի ըստե հետո «Լուսնի կայարանի» բակն ե մտնում № 3 ռակետը:

Յերեկո յեր, ամառվա մի յերեկո...

Լենիկը նորից Յերկրի վրա յեր...

Իսկ այնտեղ, վերեռում, յեթերի անսահման տարածության մեջ, շարունակում ե փայլել արծաթագույն լուսինը:

ՀՐԱՏԱՐԱԿՉՈՒԹՅԱՆ ԿՈՂՄԻՑ

Հոկտեմբերի Պողոսյանի «Ըստագրով ֆանտաստիկ պատմվածքը 1934 թվին թիֆլոսում «Կարմիր ծիլեր» մանկական ամսագրի կազմակերպած մրցանակաբաշխության ժյուրիի կողմից արժանացել յերրորդ մրցանակին:

Պատմվածքում խոսվում ե այն մասին, թե ինչպես 1965 թվին պիոներ լենիկն ու հոկտեմբերի կուսիկն իրենց ծնողների հետ միասին ուղարկում են դեպի լուսինը: Թուչքի ընթացքում և լուսինի վրա լենիկն ու կուսիկը շատ հետաքրքիր արկածների ին հանդիպում: Այդ բոլորի մասին դուք կիմանաք, յերբ կարդաք ամբողջ պատմվածքը, վորն առանձին գրքով տպագրվում ե առաջին անգամ:

Յերեխաններ, գիրքը կարդալուց հետո ձեր տպավորությունների մասին գրեցեք Պետհրատ, Մանկական Գրականության բաժնին:

ԲՈՎԱՆԴԱԿՈՒԹՅՈՒՆ

	Եջ
1. «Լուսնի կայարանը»	2
2. Լենիկը պատրաստվում ե լուսնի վրա թոչելու	4
3. Լենիկը «Լուսնի կայարանում»	5
4. Ռակետը փրկված ե	6
5. Ռակետը	8
6. Մեքենան թոչում ե	10
7. Լենիկը թոչուն ե դարձել	12
8. Լենիկը կայուտում	14
9. Ոդաչուն պատմում ե	16
10. Մի առավտա	20
11. Զբոսանք յեթերում	20
12. Լուսնի վրա	21
13. Լուսե հեռագիր	24
14. Յեկորդ զբոսանք	24
15. Ծնողները գտնում են մոլորդած յերեխաններին	27
16. Նորից ռակետում	28
17. Վերադարձ	30

Խմբագրեց Հ. Պետրոսյան, Տեխ. խմբագիր՝ Տ. Խաչվանեյան, Սրբագրից Հ. Մանուկյան

Գլավիտի լիազոր 266, ուղարկել 1995,
Պետհրատի տպարան ՀՀ Յերեխան, ՌԴ գնում 4

* ZUR-AN-SSR *

ՀՀ Ազգային գրադարան



NL0402302

904

12233

ԳԻԱԸ 1 ՈՂԵՐ.



РИПСИМЕ ПОГОСЯН
НА ЛУНЕ

Գլ. ССРА, 1936, Էրևան.